

N̄wa' wvu bokaŋ bofεε wvu
Bitá
Fiεε fī nu ê N̄wa' Bitá wvu
bokaŋ bofεε wvun e

N̄wa' Bitá wvu bokaŋ bofεε wvun nu ε wvú to saŋ fô bonyii bo mbee le bo fwele le, ε bó ε ce ε kεnεn won tfoo. Shiee n̄wa' wvun baay to nu keediu lemme di bonyii bo n'yεεyi le bo mbiay e to ghane gee, bô keediu nce nnyεn kenjaŋ wvù n'yεεyi bonyii ban to too dvú le ε wvú eka. Bitá saŋ n̄wa' wvun baay taale ε è nu fiεε fī bonyii bo n'yεεyi le bo mbiay e ban to duu le kε Jisos bεε ke ebvuu ekase eto kε. Wvú jemyi le fiεε fī gee ε Jisos sε dvuyte keeto nu njefo kε Nyo' gomte le wee mvu ke ela kε.

Bikuu bi mwεεm e ê n̄wa' wvun e

1:1-2 Keŋkεwce

1:3-21 Nce bonyii bo Klistu le

2:1-22 Ekumε keŋge ke bonyii bo n'yεεyi le bo mbiay e noo n̄gεw wvù nu ke eto fô bó le

3:1-18 Diuu di Klistu nu ke ekase eto

¹ ε nu me wvù Semon Bitá, waa lemme Jisos Klistu noo waa we ntum. Me nsaan̄ke n̄wa' wvun fô ben bô keŋke mbee wvù kuuke leŋleŋ diεwε wvù bese keŋke le. Jisos Klistu wvù nu Nyo' noo Mboyse wesebeene ké no gee mwεεm teytey. ε nu nje fifin wvù ben keŋke mbee ε wvú nu leŋleŋ diεwε wese le.

² Nyo' ebvuu ebuw ben bô kembonen naa ntay, ebvuu enya ben bô mvuntelem mvù lætene naa ntay, njefo ben kee wvú wvù Nyo' bô Jisos wvù nu Tata wesebeene.

Nce bonyii bô Nyo' nu ε tee wase ε caw e

³ Mvunḡay mwew mvù è nu mvu Nyo' le nu ε ge wase beene ε keḡke mwεεm mvunciim mvù nulo ege é beene ekeḡke nshii wvù mεy lo, noo keecee nce bonyii bo Nyo' le. Mvú ge nonen no beene nu ε kiεε Nyo' wvù nu ε tee beene keeley bvukuke bô bvujonḡe bvù è nu bwew e.

⁴ No wvú ge nonen, beene ε mum ε keḡke mwεεm mvù kuuke baay bvuu jee fele mwεεm mvunciim ε è nu mvù wvú to kawεε. Mwεεm mvun nu keege wvu le ben elewtè mwεεm mvu yí wonḡ wvun e mvù nyam ye shieele mvù beete bô bonyii. Nonen é ben emum ekeḡke nce ε è nu we wvù Nyo'.

⁵ No fí nu nonen ben emum emom ntay keebise nce wvù jee yí fitele fí ben lese yí Klistu le. Yí nce wvù jee le, é ben ebise bvufee bvú Nyo' le.

⁶ Yí bvufee bvú Nyo' le é ben ebise bikuu bì kemsεεn. Yí bikuu bì kemsεεn e, é ben ebise shém yí kuulεεn. Yí shém yí kuulεεn e, é ben ebise nce wvù è nu wvu bonyii bo Nyo' le.

⁷ Yí nce wvù è nu wvu bonyii bo Nyo' le, é wee ekeḡke shen fô waa bwee le. Yí shen e fô waa bwee wee le, é ben ebise keḡkonen.

⁸ Me ḡgayte nen njefo, é ben keḡke wvun nce, ε no gene dvú fwe fwe, é wvú ege é ben saa ebvuu enu ke lo nen ncew kenεε enu diεwε bonyii bô nulo

saa ege fiεε diεwε bonyii bò kee fiεε ekumε Tata wesebeene wvù Jisos Klistu le κε.

⁹ Ben ekeè λε é wee baa eκεηke wvuwwun nce tu wvù nu ε fefe wase yî mwεεm mvu Nyo' le, ε wvù yaa bvuu γεne mwεεm e ncejole κε. Wvù nu ε daayε wase λε bibefε biew bì wvù to shee gee fwele nu ε Nyo' to cuke wase.

¹⁰ Boom bo bwεεm e, fí ε mum ε no nu λε ben emum emomtè ntay keegeε mwεεm ε è nu mvù duηci λε Nyo' to nu ε tee wase ben, caw. ε ben gee nonεn ben saa ke eyuu egbwe yî mbee wene le κε.

¹¹ Nonεn é bó ke eyene je fô ben e ε yî kuuke nεn gbwuuu, é ben eley bvunfon bvù mεy lo bvù Tata wesebeene wvù Jisos Klistu wvù Mboyse le.

¹² Me ηkee λε ben kee wase mwεεm mvun, leeme tεn yî kecεy kè ben to yuwεε le tεmyi, geenεn ε me ηgomte κε keembvuu ηkumyi ben ekumε mvú sekeci.

¹³ Me n'yεne λε fí nu λεη nonεn λε me eηkamsè ben ekumε mwεεm mvun no me mbεε dvú n'yoyte wvu λε ben ekumyi,

¹⁴ njefo me ηkee lo λε è shεεte wase caan é keyoy ecinε nyam ye le no Tata wesebeene wvù Jisos Klistu nu ε ge wase me ε ηkiεε le.

¹⁵ Me ε mum ε no ηgomte keemom naa ntay λε seke me ε ηγεn wase é ben enu wvù è nulo é ben ekumyi mwεεm mvun sekeci.

Saaka wvu ekumε nto Jisos nu fiεε fi bonyii nulo eγεε bvufee yî dvú le

16 Ben ekeè le ke mwεεm mvun mvù bese to jemyεε ê ben ekumε mvunḡay mvu Tata wesebeene wvù Jisos Klistu le noo nto we wvù wvù nu ke ekase eto, to nu ke lo mvumanḡaan ε bonyii ε bosεn ε seyse ε bese maa ê ben ke. Bese to nu ε yen naa bvukukε bwew e bô εjise εyese.

17 ε to nu seke Nyo' Ice to buwεε wvù bô mbense noo bvukukε, ε diεw buy fô wvù wvù nu Nyo' Bvukukε le jemyi le, “Wvun nu Waa wεm, wvù nu fitele fiem. Me n'yuuke njonḡ bô wvù baay.”

18 Bese kebεε to nu ε yuw diεw yin no yí shiile too we seke bese to nu bee bo Jisos yí kum Nyo' le.

19 No bese yuw nonεn, mum mεse kiεε kecεεy ke fiεε fi bonyii bo ntum Nyo' le to jemyεε ε è bεε naa lo. ε fí jee le ben egεε bvufee yí fiεε fidvu le ntay, njefo fí nu diεwε ken'yεese le kè baa ê εjiwε le egεn ebuy Diuu di ekfuḡ nu ke eyuu, é Jisos ebaa fô mvuntelem mvunεn e diεwε law e.

20 Fiεε fi kuuke fele mwεεm mvunciim nu le ben ekeè le, ke ntum Nyo' mvu nu dvù ê N'wa' Nyo' le wvù wee nulo eteete bô bwew bvufee ke. *

21 Kε wee ntum Nyo' to baa jemyi naa lo fiεε fi è nu ḡkpawce wee wvu wum ke. ε to gee Keyoy ke Yuule ε bó se jemyi diεw yì buyte fô Nyo' le.

2

Bonyii bo n'yεεyi le bo mbiay e

1 Kε lenḡen no bonyii bomew to nu dvù fwele ê bonyii entelεḡ bô to mbiayte le è tum Nyo' bó, è nu

1:16 Mat 17:1-8 **1:19** Mben 119:105; Lum 1:2; 13:12; 1Bi 1:10-11

* **1:20** Kεnεε le, “Kε wee ntum Nyo' to nu ε jeme fiεε fi è nulo é wee cεε kinyi kedvu bô bwew bvufee ke.” **1:21** 2Tim 3:15-16 **2:1** Jut 4-13 **2:1** Mat 7:15

ke ten no bonyii bo n'yeyi le bo mbiay e nu enù ê ben entelen. Bó nu ke ewenteten eto bô n'yeyi mvu wvù nulo ebefe bô bonyii, elese ê diew Nyo' le emum emaa naa lo Cee Ekole wvù to kpwee keesum bó. Bó nu ke ege nonen emum eto lo bô ngew kan mwaan elan yî bikuu bibole.

² Bonyii nteen nu ke ebenen nce wvubo nnyen e, é fifin ege é bonyii ejemyi diew yî befe ekume je yi keey.

³ Ken'yee ejise ke mwem e nu ke ege é bó efii mwem can yene le bô binfe bi mbiay e bi bó nu e seyse. Bonyii bodvu ban nu e Nyo' to seyse wase ngew wvubo e è bee lo, e wvù nu ke fó ceyte bó.

⁴ Ben ekeè le Nyo' to baa bawce bonceendaa ba bò to gee kebefe ke. Wvù to nu e shike bó e bó gen bvudvuu bvu ngew e, lese bó yî boncaw e ê bintuke bi jiime nen taytay e, fò bó nu enù egen ebuy diuu di nsaw e.

⁵ Wvù to baa ebawce ten won wvu fwele seke wvù to ciinsae joo e yí to mi won bonyii bò to maa lo wvù ke. Wvù to nu e bawce ke e è nu Noa' wvù to fewci le bonyii eceè nce wvu teytoy é Nyo' ejise, noo bonyii bomew bosooshiy.

⁶ Wvù to nu e fiwse kelaante kè Sodom bô kè Gomola ton bô nguy e bí fie bvuw, ge e fifin no nu diewe kenfewsan ke fi fi nu ke ekooy bô bonyii bò maa lo Nyo' le.

⁷ Geen, boyse Lot wvù to cee nce wvu teytoy e shém looci ffuuke wvù bô nce nnyen wvù bonyii bò befe to kejke.

⁸ (Mwεεm mvù wee wvu teytey wvun to yεne bvuu yuuke no wvù to cee ê bó entelεη to nu ε ge ε fitele fiew fî yuule no ton'yi εdiuw εcii yî gee dibole dî befe le.)

⁹ Ε mwεεm mvun to nu ε kooy nonεn, tu fî dunji ε Tata kee keeboyse bonyii bò yuuke wvù le can ηγεω e, bvuu kee tεn keegeε bonyii bò cee nce wvù yaa nu κε wvu teytey yî ηγεω e, egeη ebuy diuu di nsaw e.

¹⁰ Nγεω wvun nu ε wvu bonyii bomew nu ke efey naa lo wvu wee tfuu. Boba bonyii nu bò koonke keebii κε ε è nu fiεε fi ye yibo yî ηεyτε shieele ε è nu fi beete bô wee. Ε è bvuu nu bó bò joo wee wvù saake bonyii εκuse.

Nyo' nu ke elεse bonyii bo n'yεεyi le bo mbiay e

Bonyii bo n'yεεyi le bo mbiay e ban ηaake baay. Bó bensee ye baay, yaa fane naa lo keenan'yi biyoy bì κεηke mvunγay fele bó κε.

¹¹ Naa κε bonceendaa bo Nyo' le bò κεηke mvunγay bvuu tεmyi fele bó yaa ke mom nan biyoy bin fwe dvu Tata κε. *

¹² Geenεn bonyii ban gee mwεεm ε è nu mvù ελεμε kebole gomte diεwe nyám yi ηkpwaante yî ké no gee mwεεm se yî kpwawci lo, ε yî nu κε le bonyii ke ekooye eσεεye lo le. Bonyii bodvu ban nu bò nan'yi mwεεm se bó kee mvú ηkuuη. Nyo' nu ke elεse bó κε diεwe nyám yi ηkpwaante yin e,

¹³ ε nlawma wvubo enu ηγεω wvù bó nu eyεne nje ηγεω wvù bó se too dvú. Bó ké no kpwaake ε

2:9 Job 4:7; 1Kol 10:13; Mwm 3:10 **2:10** Jut 7-8 **2:11** Jut 9

* **2:11** Κενεε le, "... nan bonyii bo n'yεεyi le bo mbiay e κε." **2:12** Jut 10 **2:13** Jut 12

keediekene bvuu wukene kenduun e εmvunsheen εντελεη nu lo njon mvu fô bó le. Bó nu lo yile ê ben εντελεη yiise ben. Seke ben ε bó diekene, ε bó no yuuke njon keeleεle ben bô gee dibole di kenshoose le.

¹⁴ Εjise εbo ké no nu κε ε è nu yo kenjan, yaa ffuule yî kebefε le κε. Bó ké no λεwci bonyii bô wεεyi yî mbee le ε bô bó gee kebefε. Ken'yεε ejise nu ε ley wase yî ελεμε kebole. Bó nu ε jo wase lon!

¹⁵ Bó nu ε cine wase je yi λεη e ε jo ε è nu yi εcici. Bó nu ε jo ekale ke Balaam wvù waa Bεwu le wvù to nu ε bee keege fiεε fi yaa nu κε λεη nje wvù to koonke bigew e.

¹⁶ Ε kembεεbey wamεn wvù yî fiεε fi befε fin e. Kembεεbey kè ké no nu σε kí jemyi lo, ε kí jeme diεwe wee wvu wum e, ci gee di kejewtε le di wee ntum Nyo' wvun to gee.

¹⁷ Boban bonyii bo n'yεεyi le nu diεwe diuw joo wvù joo baa bvuu buyte fó le κε, bvuu nu diεwe kekfu kè nu ε gbwe εκfun nffum ε fey ε tuu le. Nyo' nu ε seyse wase bvudvuu bvυ ηγεω e ε bvù jiime nen taytaytay, ε γεε ê bó.

¹⁸ Bó kumte diuw wvu εcici baay σε kinyi ηkuuη. Bó λεwci bonyii bô bεε buy κε lo ente jo bonyii bô yaa kee κε fiεε fi λεη bô n'yεεyi wvu λε è nulo é bó ekase egee mwεem mvu nnyen e mvù ye yibo yi ηεyte shieele.

¹⁹ Bó jaa no jemyi ê bonyii λε κε bó κεηke keenu bonfaw bô fiεε fimew e κε, geenεn ε bó bodvu keβεε bô jemyi bεε naa bonfaw bo mwεem mvù beete bô

2:14 Mat 5:28; 2Tim 3:6
22:28-31

2:17 Jut 13

2:15 Ktn 22:7, 17; Jut 11
2:19 Jon 8:34; Lum 6:16

2:16 Ktn

ye wee le. Bó nu bonfaw njefo é wee nya εkolε kew ê fiεε tu wvú nu nfwá fiεε fidvu.

²⁰ Ben ekeè le é wee lewte wase mwεεm mvù beete bô wee yî won wvun e nje wvú kee wase Tata wesebeene wvù Jisos Klistu wvù Mboyse wesebeene, ε kase ε γεν ε ley mwεεm mvudvu le, mvú ε njim wvú ε no κενke, é mwεεm efo yî ye le efey lo no mvú se shee nu fwele.

²¹ E wee ge nonεn tu fí be jee le fo mwετεn eyaw ekiεε je nce wvu teytey κε, efey keekiεε ebvuu ekase ecinε bonci bô yuule bô bó nu ε nya ê bonyii le.

²² Kfuu boba bonyii gee ε fiεε fi nu ê ηgan e mum nu kecεεy le, “Bwe ké suuke mwεεm kase bvuu tu fó die.” E wvumvu bvuu nu le, “Bó ké cuke ηkunyam ε wvú kase κε γεν no binlene ê kencaa le.”

3

Diuu di Tata nu ke eto

¹ Nsáa yεm shém, ηwa' wvu keseen wvun nu wase wvu bokan bofεε wvù me nsan fô ben e. E bonwa' ban e bocii nu ε me nsan diεwε ntamcε le keenkamse ben é ben εκενke bonkpwawcε bo leη.

² Me ηgomte le ben ekumyì mwεεm mvù bonyii bo ntum Nyo' le bô yuule to jemyeε le mvú nu ke ekooy, ebvuu ekumyì ten mwεεm mvù boom bo ntum e bo Jisos e to jemyeε ê ben le Tata bô Mboyse nu ε gay le ben egeè.

³ Fiεε fi baay nu le ben ekiεε le è nu ke edioo nu εdiuw yo fokemεse le, é bonyii bo kensεwse le enε

ekew esewsee ben, gee mwεem mvù nyam ye yibo gomte.

⁴ Bó nu ke esewsee ben duu le, “Kε wvú to nu ε kaw le wen nu ke ekase eto, wvú ε fεε keseen? Naa no bo'icee bosεεbeene to yuuε kpweken, mwεem mvunciim leeme ke bikaa le no mvú to shee nu ε kεw fonkew no Nyo' to bomεε wonj.”

⁵ Bó jemyi nonen kee ke naa ntay se tune le Nyo' to jeme ke ε è nu diew fwele ε ebule mum no nu. E wvú jeme ε nshε buy ê joo, ε wvú to ge nshε yidvu bô joo.

⁶ E wvú ke kase jeme ke ε è nu diew, ε joo ban nshε yidvu yi yí to gee ε yí buy, mum lese mwεem mvunciim.

⁷ E nu ke ten diew yidvu yi wvú nu ε gee ebule ke keseen bô nshε, ε no cεyte ηguy dvú. E wvú cεyte ε è nu diuu di wvú nu ke esaw bonyii bô maa lo wvú, elase bó.

⁸ Geenεn nsáa yem shém, fo ben edaayi le fô Tata le nu ε diuu dimwaan nu ke lenlen diewe bilum ntfuke le, ε bilum ntfuke nu ke lenlen diewe diuu dimwaan e ke.

⁹ Kε Tata guute lo ye no bonyii bomew kpwaake, keege no wvú to kawεε ke. Wvú kuule ε è nu shém bô ben. Wvú shieele le bonyii bocii ekumen mvuntelem mvubole njefo ke wvú gomte le wee mvu ke ela ke.

¹⁰ Diuu di Tata nu ke ekase eto nu ke enu ke diewe di coon e. Ebvubwe nu ε ebule nu ke edvûm foweewe emum ela, é ηguy ebuñse mwεem

3:4 Yeli 17:15; Esek 12:22; Mat 24:27, 48-51 **3:5** Kej 1:6-9; Ibu 11:3 **3:6** 2:5; Kej 7:11-21; Mat 24:37-39 **3:8** Mben 90:4 **3:9** 3:15; 1Tim 2:4 **3:10** 1Tes 5:1-2; 1Bi 4:7

mvunciim mvù nu we, é nshε bô mwεεm mvù nu yî dvú le efie ebvuw.

¹¹ No ηguy nu ke efiese mwεεm mvunciim ê yiyin je le, ben kpwaake ε ben nulo ecee nce ε è nu wvu nεε? Ben κηηke keecee nce ε è nu wvù yuule ε ben ε nya bikuu binen ê Nyo',

¹² ε no cεyte Diuu di Nyo' le din, momte keege ε dí eyanηen eto. ε nu diuu di ηguy nu ke efiese εbule é kí efie, é mwεεm mvunciim mvù nu we ebuη.

¹³ Geenεn, beene cεyte ε è nu εbule ke kefe bô nshε yi fie yî Nyo' to kawεε, ε wvuwvun wonη nu wvù è nu ke enu ke nce wvu teytey fó maanη.

¹⁴ Nonεn nsáa yεm shém, no ben cεyte mwεεm mvun nεn, ben emomtè naa ntay keenu se nlom κεnεε fieε fimew fi befε ê Nyo' εjise, noo keenu yî kenλετεn e ben ε bo Nyo'.

¹⁵ Ben ekumyî ε Tata wesebeene kuule shém nεn, nyaa ε è nu kefew ê bonyii ε bó ke eboy. Fieε fin nu ke fi waa bwee wesebeene wvù Baul wvù nu fitele fisεεbeene to saηεε fô ben e bô bvufee bvù Nyo' nu ε nya ê wvú le.

¹⁶ ε boηwa' bocii bò wvú saη e nu ε wvú jemyi ke jó εκume fieε fin. Wvú saanηke mwεεm mvumew ε mvú temyi fô bonyii le keekiεε, nonεn ε bimaante bi bonyii le bò yaa kee ke fô bó leeme mum toysee kenyi ke mwεεm mvudvu le, ε è nu ke leηleη no bó toysee ten mvu ê mondvuum momew e ê Nwa' Nyo' le. Bó gee nonεn, teηε ε è nu ηγεw yî bikuu bibole.

¹⁷ Nsáa yεm shém, no ben kee wase mwεεm mvun nεn, ben emum eyεnè fo bonyii bò maa lo

3:12 Yeša 60:21; 1Kol 6:9; Mwm 21:1, 27 **3:15** 3:9; Lum 2:4

3:17 Jut 24-25 **3:17** Mak 13:5; 1Kol 10:12; 1Bi 4:7

Nyo' ban ke egufe ben bô gee dibole di befe é ben enε fô ben leeme wase ekase egbwe lo.

¹⁸ Geenεn, ben ekuù lo yî mbuwma wvù Tata wesebeene wvù Jisos Klistu wvù Mboyse wesebeene nu ε buw ben dvú, ebvuu ekeè wvú gene lo fwe fwe. Mbense enù fô wvú le keseen noo sekecii σε ηka. Fí enù nonεn.

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
5b12a3f8-7a2a-5b6f-b1da-1bf94b13fc2e